

آبونه شرائطی : هریر ایچون
سنه لکی (۲۷۵) آلتی آیلغی
(۱۵۰) ممالک اجنیه ایچون
سنه لکی ۳۲۵ غروشدور.

نسخه سی • غروشدور •
ایکی نسخه برآراده
(۱۰) غروشدور
سنه لکی ۵۲ عددور •

اداره خانه : باب عالی جاده سنده
رشید افندی خاندن

اخطارات
آبونه بدلی پشیندر •

مسلكه موافق آثار مع المنونیه
قبول اولنور • درج ایدلن
یازیلر اعاده اولنماز •

الکتابخانه

۱۳۳۰

آدره من تبدیلند آیریح
• غروش کوندرملیدر •

مکتوبلرک امضالری واضح
و اولوناقلی اولسی و آبونه
سره نومروسی عیشوی
بولونسی لازمدور

ممالک اجنیه ایچون آبونه
اولانلرک آدرس لری
فرانسیزجه یازلسی رجا اولنور •

پاره کوندردلیکی زمان نهیه
داثر اولدینی بیلدیرلسی
رجا اولنور •

اتبعون اهدکم سیل البرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

ینه کندی تعبیر لایله - مساعده لایله اغترار آ- ناملرینه جواب ویرهلم :-
مملکتده فابریقه یوق، آوروپا طیاره ایله کیدر کن زقاغی آرابه سیله یورو یورز.
جهل ، قاراقوت الک کیزلی نقطه لره ، وجدانلره حلول ایتش، حیات
مدنیته نك صنوف اجتماعیه آراسنده مدنی بر تماشای یوق، قلوبلر، ذوق
واسطه لری محدود ، قانونلریز بیک اوچیوز سنه لك اساسادن ملهم ،
شرق روحزای تطمین ایده میور ، اداره ذهنتمز مدنی دکل ...
الح ...

شیمدی نتیجه به کله لم . بو شکایت ایدیلن احوال مدنتمز دمنی ؟
یوقسه اومدنتك روحنه منافى برسلسله استحالادمنی متولددر؟ بو کون
مملکتده فابریقه یوق. يك اعلا بیک اوچیوز سنه لك مدنت اسلامیه نك
ایککنه دن ایبلکه ، لوازمات حریبه دن ، کیلرندن ، صنایعدن ، الک
محشم آبدانه ، سرایلرینه ، تعاون مؤسسه لرینه قادر احداث ایلدیکی
آمار مدنیه ، ادراك ایلدیکی عصر لرك الک بوسكك وسائطه مالک اولدیغنه
بر دلیل دکلدر؟ بو کون قاغی آرابه سیله طریق مدنتده کریلورسوق
راه ترقیده عصر لرحه الک اوک صفی وزمانك الک ایی وسائطی اشغال
وتأمین ایدن مدنتمز قباحتمیدر ؟ ... بو کون جهل هر بری استیلا
ایتشه بوجهان ظلمت و وحشت ایچنده چیرینیر کن نور ورفاه کنیره ن
اسلامیتك جهالتی ، ظلم و ظلمتی مدافعه ایتسندمنی؟ یوقسه علمی ،
نوری ، حقیقی امر ایدن روح اسلامیت خلافتده الیوم الک بارزوحیاتی
مباحته لرمزده بیله نمایان اولان قره جهلی بوش قفالرمزك الزام
ایتمسندمنی متولددر ؟ بو کون ملت ، صنوف اجتماعیه تساندن ،
یکدیگرینه حرمت و آداب رعایتدن ، تماوندن اوزاقلاشمشسه
بوندن تعاون ، تناصر و هر کسک یکدیگرینه حرمت و بالمقابله محبتیه
حرمتی کره ارضك هر نقطه سنه ، حاکمیتی عصر لرحه اقصای شرقدن ،
مرسای غریبه قدر نفوذ ایتدیرن مدنت اسلامیه می مسئولدر ؟ یوقسه
اسلامیتك ، بالطبع اجتماعیتمزك چیزدیکی حدود خارجنده نفسی ،
اختصاصاتی منفعت عمومیه نك فوقنده کورن؟ محبتی ، تسادی ، حرمتی
اورته دن قالدیران خود پسند ، غرب پسند بر ذهنتمی ؟ ...

بیک اوچیوز سنه لك اساسادن ملهم قانونلر من اداره ده ، اجتماعیاتده ،
وجدانلرده حاکم ایکن بو کونکی کی مژدی ، جلیز وقوتسزمی ایدک ؟ .
بلکه هیئت اجتماعیتمزك احتساستی ، عنعناتی ، روحیاتی ، مادیاتی
طبیعی و امرجه سی خلافتده بشقه ملتلك ، بشقه حرثلك قابلیتی
درجه سنده تنظیم ایدلش قانونلری تقلیداً اداره مزی ، عدلیه مزی ،
هرشیمزی قارمه قاریشیق ایتدیکمز کوندنبری سقوط باشلادی ...

شرق روحزای تطمین ایده میورسه ؛ بتون اوروپا نك تقدیر ایله
یاد ایتدیکی اسلوب معماری ، مدنت ، روح اعتباریه صوك درجه جاذب
بولدیغی وصالولرنده ، موزهلرنده ، دارالفنونلرنده مهم موقعلر ویردیکی

شرق ، یعنی اسلامیتك بتون فضائی قارشوسنده ظلمتی نوره ترجیح
ایدیورز دیمکدرکه ، بو ، مدنتمزده کی نقیصه یی دکل ، روحزده کی
سجیه سزلکی کوستر ... اداره ذهنتمز مدنی دکلسه ، بوندن متولد
مسئولیت ینه اساساتمزه دکل ؛ نه شرق ونه ده تمامیه غریبه عائد اولمیان
قاریشیق و کویا مدنی وصفیه یاد ایتدیکمز ذهنته عائددر ...

کورولیورکه تردیات حاضره نك علمی ودقیق برتحایی غریبجیلرك
بتون مدافعه لرینی ، فلسفه لرینی ، خردوخاش ایتکه کافی کلمکده در .
بوکا مقابل قیمتسزلکی قطعیت ریاضیه ایله ، علماء ، تاریخاً ، منطقاً اثبات
ایدیان (غریبجیلک - لاثیقلك) مفهومی قارشوسنده متباز ، نوار
(شرقجیلک - اسلامیت) عمدسی قالیورکه : عصر لرحه انسانیتك
هردردینه خرم وشفیق اولان ، عصر لرحه جهان نور و امید سربن ،
وجدانلری ترفیه و مسترخ ایدن بو قوتك تفوقی قبول ایتك -
حقیقتین و فضیلتكار انسانلر ایچون - بروظیفه در .

نه حیات اجتماعیتمزك ، ونه ده حیات فردیه تمزك (لادینی - غربی)
برذهنتله ادامهنه علماء ، تاریخاً ، منطقاً امکان یوقدر . بونك عکسنی
اثبات ایتك ایستسینلر ایچون میدان مناظره آچقددر . والا تحلیله ،
تدقیقه ، استناد ایتین واثبات ایدیه مین هر هانکی فکر دائماً مدنت
اسلامیه قارشوسنده زواله محکومدر . حسن حکمت

نظام اجتماعیتمك انهرامی اداره لری

تخصیصاتی قطع ایدیلن مکتب صنایعه مقابل بول بول تخصیصات
آلهیه موفق اولان (دارالاحان) ك یکی سنه تدریسیه سنك رسم کشادی
بو هفته اجرا اولوندی . یومی غزته لرك یازدقلرینه کوره ، بو مراسم
بك بارلاق بر صورتده اولمش : دارالاحان مدیری ، دارالاحان ایچون
لازم کلن تخصیصاتی قولده تردد کوسترمه مین جمعیت عمومیه بلدییه
اعضاسنه ، والی بكده باشده اولدیغی خالده دارالاحان نامه عرض
تشکر ایتش ، والی حیدربكده مقابله ایدرك استانبولك عمراننه ،
عرفانه ، و (اجتماعی نكمله) چالیشان جمعیت عمومیه بلدییه و مجلس عمومی
ولایت کی ایکی تشکیلاته ریاست ایتکه مفتخر اولدیغی و مؤسسه نك
ترقیسی ایچون بك چوق شیلر بکله دیکنی سویله مش ؛ متعاقباً الافرانغه
والاتورقه برضیافت موسیقیه ویریلش ؛ مسلمان خاعلر ایله ارککلر
هپ برلکده چالمش ، شرقیلر سویله مشلر . بو مسامره ده معارف
مدیری صفوت ، خالدضیا ، احتفال ملی رئیس ضیابکلرده بولونمش .
بوندن باشقه دارالاحانك اصل مسامره صالونی کاملاً طولدیغی کی
بوتون قاپورلك قانادلری اچیلماق صورتیه صالونك درت کوشه سندن
بربرینك اوزرینه یاصلامش بك چوق باشلر کورولمکده ایمش ! قالا باقی

هر ایسته دیکنی یا بیلمکده کنیدی حریت مطلقه صاحبی عدایدیور. خلق ده عقائد و حسیات مخالف اولان بو احوال و حرکاتدن صوبه درجه متأثر و منفعل اولیور. واقعا خلق بوگون کوزیاشرنی قلبنه آقیتور. فقط برکون اولور، قلبی ده تحمل ایدم من برحاله کلیر. دنیا ده برملک کیزی بکسی قدر مدھش و آجیقلی هیچ برشی یوقدر. اک بوبوک اداره حکیملری او ذواتدرکه اداره ایتدکاری ملتلك قبلری او قورلر و اوقبلرک محبت و توجهلری هر ذوقک، هر کیفک، هر قوتک فوقده تلقی ایدرلر.

مطبوعات

غریبی و (لایق - لایق) لك

(ایلری) غزته سی باش محرری صبحی نوری بکک بر مقاله سندن: «غنمانه قارشی متحد بر ملی جبهه فورق مجبوریتندیز.» عالم اسلامی ملتجیلره معاونه دعوت ایدن (ایلری) لك بر مقاله سندن:

«یا ایها المؤمنون و اعصموا... انما المؤمنون اخوة... تورك مسلمانلری محضا محافظه کلمه الله ایچون بو حرکت دلیرانده بولوندیلر.» عینی نسخده (صبحی نوری) بکک توحید افکار حقننده یازدیغی بر مقاله دن:

«ولید بك جسارت صاحبی بر محافظه کاردر. او هب ماضی دوشونور، بز ایسه هب استقبالی حاضرلار. او، شرقی و دینی در، بز ایسه (لایق) و غریبی. او ترقیزی، استقبالی تأمین ایچون غنمانه دن، ماضیدن امید بکله یور. بز ایسه عینی غایبه وارمق ایچون اوروپا و آسریقان مثال آریور. نهایت بز بو کونی ملی دولت، حکومت و مجلس طرفداریز، او ایسه مستقلا، محافظه کاردر.»

توحید افکار صاحبی ابوالضیا زاده ولید بکک (ماضی و آتی) عنوانی مقاله سندن:

«زده صوبه زمانلرده مع التأسف عقائد اجتماعیه ده مسائل سیاسییه قاریشدیرمق عادت اولدی. حتی بو خصوصاً اک ایلری کیدنلردن بری ده آغا اوغلو احمد بکدر. آغا اوغلو احمد بک بز صوبه ویردیکی جوابده شرقیلفک استبداد طرفدارانلار باشقه برشی اولامایه جنی نظریه سی اورنه چیقارمش و شرقی و محافظه کارم دینه بر آدمک مطلق سلطنت فردیه طرفداری اولسی لازم کله جکنی ادعا ایتشدی. حالوکه بر آز منطقی و انصاف ایله دوشونلر بو ایی مسئله آرمسند بر مناسبت بولونمادیغی تسلیمده هیچ تردد ایتزلر. حتی (شرقی) دیمکدن مقصد (سیاست اسلامی) طرفداری دیمک ایسه اصل اسلامچی اولانلرک حاکمیت فردیه دکل، حاکمیت ملیه طرفداری اولدیغی قبول ایتک لازمدر. چونکه اسلامیت مشورت اوزرینه مؤسسدر. بناء علیه عقیده اسلامی سی تام اولانلر مطلق امور ملتک مشورت عامه ایله تدویری ایتزلر و بناء علیه بوکیلر عقیده دینه لری اعتباریله ده حاکمیت ملیه طرفدارلیدر. «ماضی و آتی مسئله سنه کلتجه: صبحی نوری بک آرقداشملرکده «بز لایق و غریبی» دیمکله نه قصد ایتدیکنی بک این آکلیه مادیقیزی اعترافه

یوزندن دعوتیلردن بر قسمی ایاقده قالمش و بک زیاده صیقشیق بروضه میتده طور مش...»

ایسته غریبیلاشمه لك بالفعل تطبیقانه استابول بوسورتله باشلا یور. ایتدی کمزه کوره، تخصیصاتی تنقیص ایدیلن مکتب ضایع بک بوبوک مشکلات ایچنده قالمش، اگر امدادینه یتیشلمه به جک اولورسه کچن سنه کی وضعتی بیله محافظه ایدمه جکمش. بز بویه تشویق آمیز اجتماعلرک دارالاحاندن اول، مکتب ضایعک ما کتله لری باشنده اولمسی بکلرک. بوندن باشقه مسلمان خانلرینک نامحرم ارککلر حضورنده جالنی جالماری، شرقی سوبه لاری قطعاً آداب ملیه اسلامییه ایله قابل توفیق دکادر. کچن کون وطن غزته سی و غریبک ایی جهتلری قبول اولونمسی، فقط ملی و دینی هویتله استخفاف ایدلمه سی، سوبیلوردی. فقط مع التأسف بز دائماً غریبک ایی اولیان جهتلری قبول ایدسیور، ملی و دینی هویتک ضیاعی ایچون الدن کلن هریشی یاییور. هر کس فردی صورتده پایدیغی جمعیت حضورنده ده یا به به قانعیه جق اولورسه هیچ بر ضبط و ربط اجتماعی قالمازه هیئت اجتماعیه افرادنی یکدیگری به باغلایان رابطه لر جوزولور؛ بونک نتیجه سی آنا رشیدن باشقه برشی اولماز. هر جمعیتک کنیدنه مخصوص بر طاقیم آداب و اساسات اجتماعیه سی واردر. اوجمیت ایچنده یاشایانلرک او آداب و اساسات حرمت و رعایت کوسترملری اک ابتدائی بروظیفه در. یالکیز بروظیفه انسانییه دکل، بروظیفه حقوقیه درده. اونک ایچوندرکه بو آداب ملیه لك محافظه سی قانوناً تحت تأمین آلمشدر. قانون ایله، دینی و ملی هویت ایله استخفافه ظن ایدرزه هیچ کیمسه لك حق یوقدر. اگر هر کس کیفه کوره حرکت ایدم جکسه، هیئت اجتماعیه منلک من الارل تأسیس ایدن و محافظه سی قوانین موضوعه ایله ده تحت تأمین آلمان آداب و اساسات اجتماعیه سی هر هانکی بر ذات استخفاف ایدم بیله جکسه بویه بر حرکت نظام اجتماعینک مختل اولدیغی خلقه قارشی اعلان ایتمکدن باشقه بر معنایی حائر دکادر. بوتقدیرده آریق هیئت اجتماعیه کنیدی باشک چاره سنه باقی اقسا ایدر.

بز امید ایدرزه بوبوک ملت مجامعی بوتون بومسئله لری اساسندن حل ایدم جکدر. حکومت، یا تشکیلات اساسیه و مدنییه قانونلریله محافظه سی درعه ده ایتدیکی آداب و احکام اسلامییه جدی صورتده سیانته دوام ایدم جکدر، یا خود بو آداب و احکامک محافظه سی حکومتک دائره وظیفه سندن خارج اولدیغی اعلان ایله بو آداب و احکامک محافظه و اجرا سنه دائر مواد قانونیه یی الفا ایله جکدر. زیرا بو وضعیت قطعاً بوشکلده دوام ایدم من. دور سابقده اولدیغی کی مسئله لك هیچ ده اداره مصلحتله سور و کلمه سنه تحمل یوقدر. ملتک اک ضمیمی حسیانته، اک مقدس عقائد اجتماعیه سنه تعلق ایدن بونقطه لك اهمالی اصلاً جائز دکادر و حکمت اداره ایله ده تألیفه امکان یوقدر. بعض کیمسه لر